

Klip video: BPR ambil keterangan Dr. Mahathir

Mengenai perhimpunan haram Hindu Rights Action Force (Hindraf), Dr. Mahathir berkata, kaum India perlu menjadikan saluran perbincangan dengan kerajaan sebagai pilihan pertama.

Beliau berkata, mereka boleh membangkitkan masalah yang dihadapi tetapi ada cara lain untuk menyuarakan perkara itu dan bukan dengan demonstrasi.

“Kalau mereka ada pemimpin dan mempunyai peluang untuk bertemu dengan kerajaan bagi menerangkan masalah mereka, ia perlu menjadi pilihan pertama, lainlah kalau tidak mempunyai jalan lain,” katanya.

Beliau juga menyangkal tuduhan berlakunya pembersihan kaum India di negara ini sebagaimana terkandung da-

lam dokumen Hindraf.

Mengenai tindakan kerajaan menggunakan Akta Keselamatan Dalam Negeri (ISA) ke atas beberapa pemimpin Hindraf, Dr. Mahathir berkata, beliau juga pernah menggunakan akta tersebut untuk menahan seseorang.

“Ini negara demokratik. Jika anda memilih orang yang sokong ISA, akta itu akan terus berada di situ dan jika tidak suka, kena pilihlah orang yang tidak suka ISA, pilihan di tangan anda.

“Saya dahulu dipilih oleh rakyat walaupun saya menyokong ISA, jadi saya anggap rakyat bersetuju dengannya, sebab itu saya melaksanakan akta tersebut, ia terpulang kepada kerajaan,” jelasnya.

Mengenai buku yang dilancarkannya hari ini, beliau berkata, penulis Asia digalakkan membuat kajian dan menulis tentang undang-undang antarabangsa yang selama ini dimonopoli oleh penulis berbangsa Eropah.

“Bagi saya buku ini sangat penting dan patut dicetak sejak dahulu lagi kerana selama ini banyak ilmu pengetahuan tentang undang-undang antarabangsa dan negara ketiga ditulis oleh orang Eropah yang secara semula jadi bersikap berat sebelah.

“Penulis dari Asia perlu menulis berdasarkan pandangan mereka sendiri dan dengan itu kita akan memperoleh maklumat yang lebih seimbang,” katanya.